



**БУЛГАН АЙМГИЙН ЗАСАГ ДАРГЫН  
ЗАХИРАМЖ**

2026 оны 03 сарын 10 өдөр

Дугаар А/180

Булган сум

Техникийн хяналтын явуулын төвөөр үзлэг хийх,  
Автотээврийн хэрэгслийн бүртгэл хөтлөх,  
улсын дугаар олгох үйлчилгээ үзүүлэх, татвар, төлбөр,  
хураах талаар авах зарим арга хэмжээний тухай

Монгол Улсын засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1.21 дэх заалт, 66 дугаар зүйлийн 66.1 дэх хэсэг, Автотээврийн тухай хуулийн 7 дугаар зүйлийн 7.1.1 дэх заалт, 17 дугаар зүйлийн 17.1 дэх хэсэг, 191 дүгээр зүйлийн 191.2.1, 21 дүгээр зүйлийн 21.1.2, Авто замын тухай хуулийн 7 дугаар зүйлийн 7.2.16 дахь заалтыг тус тус үндэслэн ЗАХИРАМЖЛАХ нь:

1.Автотээврийн хэрэгслийн техникийн хяналтын үзлэгийг явуулын төвөөр зохион байгуулах, авто тээврийн хэрэгслийн улсын бүртгэлийн үйлчилгээ үзүүлэх, хяналт хэрэгжүүлэх, албан татвар, төлбөр хураамж хураах ажлын удирдамжийг 1 дүгээр, сумдад ажиллах техникийн хяналтын үзлэгийн хуваарь, ажлын хэсгийн бүрэлдэхүүнийг 2 дугаар хавсралтаар тус тус баталсугай.

2.Аймгийн хэмжээнд автотээврийн хэрэгслийн техникийн хяналтын үзлэгийг жилийн турш холбогдох хууль дүрэм, журам стандартын дагуу чанартай зохион байгуулан ажиллахыг Автотээврийн төвийн дарга (Н.Баасанжаргал)-д, Автотээврийн болон өөрөө явагч хэрэгслийн албан татвар, агаарын бохирдол, орон нутгийн чанартай авто зам, замын байгууламж ашигласны төлбөрийг хууль тогтоомжид заасан хугацаанд хурааж улсын болон орон нутгийн төсөвт төвлөрүүлэн ажиллахыг Татварын газрын дарга (Д.Лхагвасүрэн)-д, техникийн хяналтын үзлэг болон автотээврийг бүртгэж, татвар, даатгалын үйлчилгээг үзүүлэх ажлыг нэг цэгийн үйлчилгээний хэлбэрт оруулж батлагдсан хуваарийн дагуу чанартай зохион байгуулах, автотээврийн хэрэгслийг бүрэн хамруулан ажиллахыг сумын Засаг дарга нарт үүрэг болгосугай.

3.Техникийн үзлэг хийсэн гэрчилгээнд заасан хугацаанд техникийн хяналтад ороогүй, улсын дугаар, гэрчилгээ аваагүй (мотоцикл), автотээврийн хэрэгслийн шилжилт хөдөлгөөн, өөрчлөлт хийгдээгүй, албан татвар, агаарын бохирдол болон орон нутгийн чанартай авто зам, замын байгууламж ашигласны төлбөр төлөөгүй, албан журмын даатгалд хамруулаагүй тээврийн хэрэгслүүдийг замын хөдөлгөөн оролцуулахгүй байх арга хэмжээ авч хяналт шалгалтыг эрчимжүүлэн ажиллахыг

6326010231

Автотээврийн төвийн дарга (Н.Баасанжаргал)-д, Цагдаагийн газрын дарга (Цагдаагийн хурандаа Б.Эрдэнэбилэг)-д чиглэл болгосугай.

4.Автотээврийн болон өөрөө явагч хэрэгслийн албан татвар, агаарын бохирдлын болон орон нутгийн чанартай авто зам, замын байгууламж ашигласны төлбөрийг хуульд заасан хугацаанд хураах ажлын явцыг хэвлэл мэдээллийн хэрэгслээр тогтмол сурталчилж мэдээлэхийг Аймгийн Засаг даргын тамгын газрын Хэвлэл мэдээлэл, олон нийттэй харилцах албаны дарга (Э.Эрболд)-д, Татварын газрын дарга (Д.Лхагвасүрэн)-д, Автотээврийн төвийн дарга (Н.Баасанжаргал)-д тус тус даалгасугай.

5.Техникийн хяналтын үзлэг, татвар, төлбөр хураалтын ажлыг хуваарьт хугацаанд автотээврийн хэрэгслээ бүрэн хамруулаагүй тохиолдолд тухайн суманд дахин зохион байгуулах зардлыг хариуцахыг тус сумын Засаг даргад даалгасугай.

6.Автотээврийн болон өөрөө явагч хэрэгслийн албан татвар, агаарын бохирдол орон нутгийн чанартай авто зам, замын байгууламж ашигласны төлбөрийг төвлөрүүлэхэд хяналт тавьж ажиллахыг Аймгийн Засаг даргын тамгын газрын Санхүү, төрийн сангийн хэлтсийн дарга (Б.Ариунболд)-д даалгасугай.

7.Техникийн хяналтын явуулын болон суурин үзлэгийн төвийн багаж тоног төхөөрөмжийн бэлэн байдал, үзлэгийн чанар байдалд хяналт тавьж ажиллахыг Автотээврийн төвийн дарга (Н.Баасанжаргал)-д даалгасугай.

ЗАСАГ ДАРГА



Д.ПҮРЭВ-ОЧИР

Аймгийн Засаг даргын 2026 оны  
03 дугаар сарын 10-ны/ний өдрийн  
...А/180 дугаар захирамжийн 1 дүгээр хавсралт

**АВТОТЭЭВРИЙН ХЭРЭГСЛИЙН ТЕХНИКИЙН ХЯНАЛТЫН ҮЗЛЭГ,  
БҮРТГЭЛ, АЛБАН ТАТВАР, АВТО ЗАМ, ЗАМЫН БАЙГУУЛАМЖ АШИГЛАСНЫ  
ТӨЛБӨР ХУРААМЖ ХУРААХ АЖЛЫН УДИРДАМЖ**

**1.Ажлын зорилго:**

Булган аймгийн нутаг дэвсгэрт автотээврийн хэрэгслийн техникийн хяналтын үзлэг, албан татвар, төлбөр хураах ажлыг холбогдох хууль, дүрэм, стандартын дагуу зохион байгуулах, замын хөдөлгөөнд оролцогчдын хариуцлага, соёлыг дээшлүүлэхэд энэхүү ажлын зорилго оршино.

**2.Техникийн хяналтын үзлэг явуулах хугацаа:**

Автотээврийн хэрэгслийн техникийн хяналтын явуулын төвөөр хийгдэх үзлэг, татвар, төлбөр хураах ажлыг 2026 оны 04 дүгээр сарын 06-ны өдрөөс эхлэн 2026 оны 06 дугаар сарын 27-ны өдрийг хүртэл зохион байгуулан явуулна.

**3.Техникийн хяналтын үзлэг хийх үе шат гүйцэтгэх ажил:**

3.1.Булган аймгийн нутаг дэвсгэрт үйл ажиллагаа явуулж байгаа иргэн, хуулийн этгээдийн эзэмшлийн автотээврийн хэрэгслүүдийг хавсралтад заасан хуваарийн дагуу техникийн хяналтын үзлэгт бүрэн хамруулах.

3.2.Автотээврийн болон өөрөө явагч хэрэгслийн албан татвар, агаарын бохирдлын болон орон нутгийн чанартай авто зам, замын байгууламж ашигласны төлбөр төлсөн, жолоочийн хариуцлагын даатгалд хамрагдсан, торгууль бүрэн төлсөн, орон нутаг, хот хоорондын зам ашигласны төлбөр төлсөн, автотээврийн хэрэгслийг техникийн хяналтын үзлэгт оруулах.

3.3.Сумын Засаг даргын захирамжаар комисс томилж тус суманд ажиллах хуваарь, удирдамжид заагдсан ажил үйлчилгээг хэрэгжүүлэх төлөвлөгөө гарган автотээврийн хэрэгслийн техникийн хяналтын үзлэгийн бэлтгэл ажлыг бүрэн хангаж, үзлэгийн инженер, техникч, бүртгэлийн ажилтныг суманд ажиллах хугацаанд орон байраар үнэ төлбөргүй хангах, техникийн хяналтын үзлэгийн хуваарь, татвар төлбөр, хураамжийн талаар орон нутгийн хэвлэл мэдээллийн хэрэгслээр сурталчлах, техникийн хяналтын үзлэг явуулах зогсоол талбайг тог цахилгаантай газар бэлдэж ажиллах нөхцөлийг хангах, нэг цэгт төвлөрүүлэх талаар зохион байгуулалтын арга хэмжээ авах.

3.4.Эзэмшигчийн өөр аймаг, сумын харьяалалд байгаа болон гаднынд дугаартай, улсын дугаар давхардсан автотээврийн хэрэгслийн зөрчлийг арилгуулах, орон нутгийн индекс бүхий улсын дугаар олгох, замын хөдөлгөөнд оролцож байгаа мотоциклийг улсын дугааржуулж бүртгэлд хамруулах, авто үйлчилгээ эрхлэгч аж ахуй нэгж, иргэний нэгдсэн судалгааг шинэчлэн гаргах, нийтийн тээврийн үйлчилгээ эрхлэгч иргэдийг нөхөрлөл, хоршоолол байгуулан ажиллуулах, иргэн хуулийн этгээдийн ашиглагдахгүй, сүүлийн 5-н жилд техникийн

хяналтын үзлэгт хамрагдаагүй болон АТБӨЯТХ-ийн татвар төлөгдөөгүй тээврийн хэрэгслүүдийн судалгааг гаргаж, тоо бүртгэлээс хасах зэрэг ажлыг зохион байгуулах.

3.5.Багийн Засаг дарга нар техникийн хяналтын үзлэгт хамрагдаж буй тээврийн хэрэгсэл эзэмшигчийн бүртгэлийг тулган, үзлэгт хамруулах арга хэмжээг авч дэмжлэг тусалцааг үзүүлэх.

3.6.Автотээврийн хэрэгслийг холбогдох хууль, дүрэм, журам, стандартын дагуу тэнцсэн тохиолдолд гэрчилгээнд тэмдэглэгээ хийж, гарын үсгээр баталгаажуулан хяналтын гэрчилгээ олгох.

3.7.Автотээврийн хэрэгслийг техникийн хяналтын үзлэгт хамруулахгүйгээр техникийн хяналтын үзлэгт тэнцүүлсэн дүгнэлт гаргахгүй байх.

3.8.Тээврийн хэрэгсэл бүрд тээврийн хэрэгслийн цахим гэрчилгээ буюу RFID таг наах,

3.9.Техникийн хяналтын үзлэгийн инженер нь хяналтын үзлэгт хамрагдсан автотээврийн хэрэгслийн өмчлөгч, эзэмшигч нарт тухайн автотээврийн хэрэгслийн техникийн байдлын талаар мэргэжлийн зөвлөгөө, зааварчилгааг өгөх.

3.10.Мотоцикл үзлэгт бүрэн хамруулах, бүртгэлжүүлэх арга хэмжээг аймгийн Цагдаагийн газрын Замын цагдаагийн тасагтай хамтран хэрэгжүүлэх.

3.11.Үзлэг оношилгоонд хамрагдсан тээврийн хэрэгслүүдийн мэдээллийг нэгдсэн сүлжээнд бүрэн хамруулах, ажлын явцын талаар орон нутгийн хэвлэл мэдээллийн хэрэгслээр байнга сурталчлах, хангалтгүй хамрагдсан сум, байгууллагын зардлаар дахин зохион байгуулах.

3.12.Техникийн хяналтын үзлэгт хамрагдаагүй, бүртгэлийн зөрчилтэй, татвар, төлбөр, даатгал төлөөгүй тээврийн хэрэгслүүдийг замын хөдөлгөөнд оролцуулахгүй байх талаар Цагдаагийн газар, Автотээврийн төв хамтран холбогдох зохион байгуулалтын арга хэмжээ авч ажиллах.

3.13.Техникийн хяналтын үзлэгт хамрагдах тээврийг хэрэгслүүдийг тусгай программаар 6 талаас зураг авахад тухайн ажлын хэсгүүд хамтран ажиллах.

--o00o--

Аймгийн Засаг даргын 2026 оны  
 03 дугаар сарын 10-ны/ний өдрийн  
 А.180 дугаар захирамжийн 2 дугаар хавсралт



2026 ОНД ТЕХНИКИЙН ХЯНАЛТЫН ҮЗЛЭГИЙГ  
 СУМДАД ХИЙХ АЖЛЫН ХЭСГИЙН ХУВААРЬ

д/д	Д/д	Сум, тосгоны нэр	Хугацаа	Ажиллах өдөр	Ажлын хэсгийн бүрэлдэхүүн
1	2	3	4	5	6
I	1	Бугат	IV/06 - IV/09	4	<b>Ажлын хэсгийн ахлагч</b> - Автотээврийн төвийн дарга Н.Баасанжаргал
	2	Сэлэнгэ	IV/10 - IV/13	4	
	3	Хялганат	IV/14 - IV/17	4	
	4	Хангал	IV/18 - IV/21	4	
II	5	Бүрэгхангай	IV/24 - IV/29	6	<b>Ажлын хэсгийн гишүүд</b> - Техникийн хяналтын үзлэгийн инженер Х.Жавхлантагс - Техникийн хяналтын үзлэгийн инженер Б.Батзориг - Бүртгэлийн мэргэжилтэн А.Оюунгэрэл - Замын цагдаагийн тасаг - Тухайн сумын Засаг даргын захирамжаар байгуулагдсан ажлын хэсэг
	6	Баяннуур	IV/30 - V/02	3	
	7	Дашинчилэн	V/03 - V/08	6	
	8	Рашаант	V/09 - V/14	6	
	9	Гурванбулаг	V/16 - V/21	6	
	10	Могод	V/22 - V/26	5	
	11	Хишиг-Өндөр	V/27 - V/31	5	
	12	Орхон	V/01 - VI/04	4	
III	13	Сайхан	VI/08 - VI/11	4	
	14	Баян -Агт	VI/12 - VI/14	3	
	15	Хутаг -Өндөр	VI/15 - VI/22	8	
	16	Тэшиг	VI/ 23 - VI/27	5	
<b>Нийт сумдад ажиллах өдөр</b>				<b>77</b>	
	17.	Булган сум	I/01- XII/31		

--о00о--